

গণপ্রজাতন্ত্রী বাংলাদেশ সরকার  
রোগতত্ত্ব, রোগ নিয়ন্ত্রণ ও গবেষণা ইনস্টিটিউট (আইইডিসিআর)  
মহাখালী, ঢাকা ১২১২।  
টেলিফোনঃ ৯৮৪০৩৭৬, ৯৮৯৮৭৯৬, ৯৮৯৮৬৯১ ফ্যাক্সঃ ৯৮৮০৪৪০  
ই-মেইলঃ [info@iedcr.gov.bd](mailto:info@iedcr.gov.bd); [ncov@iedcr.gov.bd](mailto:ncov@iedcr.gov.bd) ওয়েবসাইটঃ [www.iedcr.gov.bd](http://www.iedcr.gov.bd)

## প্রেস বিজ্ঞপ্তি

জানুয়ারী ৩১, ২০২০ইং

আপনারা অবগত আছেন যে, গত কয়েক সপ্তাহ যাবত চীনসহ পৃথিবীর বিভিন্ন দেশে নতুন একটি করোনা ভাইরাস এর প্রাদুর্ভাব দেখা দিয়েছে। এ সম্পর্কে বাংলাদেশ সরকার এর স্বাস্থ্য ও পরিবার কল্যাণ মন্ত্রণালয় সম্পূর্ণ পরিস্থিতি পর্যবেক্ষণ করছে এবং প্রয়োজনীয় ব্যবস্থা গ্রহণ করেছে। ২০১৯-nCoV পরিস্থিতি মোকাবেলা করার জন্য অধিদপ্তর ও আইইডিসিআর যৌথভাবে ২০১৯-nCoV কন্ট্রোল রুম স্থাপন করা হয়েছে। স্বাস্থ্য অধিদপ্তর ও আইইডিসিআর এর ২০১৯-nCoV কন্ট্রোল রুম থেকে বিভিন্ন কার্যক্রমঃ (জানুয়ারী ৩১, ২০২০ইং)

গতকাল সন্ধ্যায় উহানে বসবাসরত ৩৬১ জন বাংলাদেশী নাগরিকদের দেশে প্রত্যাবর্তন বিষয়ে স্বাস্থ্য অধিদপ্তরে একটি জরুরি সভা অনুষ্ঠিত হয়। উক্ত সভায় দেশে প্রত্যাবর্তনরত বাংলাদেশী নাগরিকদের চীন থেকে দেশে নিয়ে আসা এবং প্রত্যাবর্তন পরবর্তী কার্যক্রম সম্পর্কে বিস্তারিত আলোচনা করা হয়। সভায় স্বাস্থ্য সচিব, স্বাস্থ্য সেবা বিভাগ এবং মহাপরিচালক, স্বাস্থ্য অধিদপ্তরসহ অধিদপ্তরের উচ্চ পদস্থ কর্মকর্তাবৃন্দ উপস্থিত ছিলেন।

এরই ধারাবাহিকতায় আজ ৩১ জানুয়ারী ২০২০ ইং তারিখ সকালে চীনে বসবাসরত বাংলাদেশী নাগরিকদের দেশে ফিরিয়ে আনার জন্য বাংলাদেশ সরকারের মাননীয় প্রধান মন্ত্রীর নির্দেশে হযরত শাহজালাল আন্তর্জাতিক বিমান বন্দরে একটি আন্ত মন্ত্রণালয় সভা অনুষ্ঠিত হয়। উক্ত সভার সভাপতিত্ব করেন স্বাস্থ্য ও পরিবার কল্যাণ মন্ত্রণালয় এর মাননীয় মন্ত্রী জনাব জাহিদ মালেক এমপি। এছাড়াও উক্ত সভায় পররাষ্ট্র মন্ত্রণালয় এর মাননীয় মন্ত্রী ডঃ এ. কে. আব্দুল মোমেন এম পি, ত্রান ও দুর্যোগ ব্যবস্থাপনা মন্ত্রণালয় এর মাননীয় প্রতিমন্ত্রী ডঃ মোঃ এনামুর রহমান এম. পি. ও বিভিন্ন মন্ত্রণালয়ের সচিব ও উচ্চ পদস্থ কর্মকর্তাবৃন্দ এবং বাংলাদেশ সেনাবাহিনী, বাংলাদেশ পুলিশের প্রতিনিধি উপস্থিত ছিলেন।

১. উক্ত সভায় চীনে অবস্থানরত ৩৬১ জন বাংলাদেশী নাগরিকদেরকে বিশেষ ব্যবস্থাপনায় বাংলাদেশ বিমানের একটি ফ্লাইটে দেশে ফিরিয়ে আনার সিদ্ধান্ত গ্রহণ করা হয়েছে।

২. এ লক্ষ্যে আজ (৩১ জানুয়ারী ২০২০ ইং) বাংলাদেশ বিমানের একটি বিশেষ ফ্লাইট চীনের উদ্দেশ্যে ছেড়ে যাবে। ফিরে আসা বাংলাদেশী নাগরিকগণকে পরবর্তী নির্দেশ না দেয়া পর্যন্ত আশকোনা হজ্জ ক্যাম্পে “কোয়ারেন্টাইন” অবস্থায় রাখা হবে। “কোয়ারেন্টাইন” অবস্থায় বাংলাদেশ সেনাবাহিনী এবং স্বাস্থ্য অধিদপ্তরের যৌথ মেডিকেল টিম নিয়মিতভাবে আগত বাংলাদেশী নাগরিকদের স্বাস্থ্য সংক্রান্ত ফলোআপসহ স্বাস্থ্য সেবায় নিয়োজিত থাকবে।
৩. আশকোনা হজ্জ ক্যাম্পে অবস্থানকালীন সময়ে তাদের খাবার, স্বাস্থ্য পরীক্ষা ও চিকিৎসা সহ দৈনন্দিন সকল প্রয়োজনীয় সামগ্রী বাংলাদেশ সরকারের পক্ষ থেকে সরবরাহ করা হবে।
৪. তাদের নিরাপত্তায় বাংলাদেশ সেনাবাহিনী, বাংলাদেশ পুলিশের বিশেষ দল সার্বক্ষণিক নিয়োজিত থাকবে।
৫. চীন থেকে ফিরে আসা বাংলাদেশী নাগরিকদের অভিভাবক ও পবিরারের সদস্যবৃন্দকে আতঙ্কিত না হওয়ার এবং বিমানবন্দর ও আশকোনা হজ্জ ক্যাম্প এলাকায় অবস্থান না করার অনুরোধ জানানো যাচ্ছে। আশকোনা হজ্জ ক্যাম্পে অবস্থানকালীন সময়ে চীন থেকে ফিরে আসা বাংলাদেশী নাগরিকদের স্বাস্থ্যগত তথ্য তাদের অভিভাবক ও পবিরারের সদস্যবৃন্দকে নিয়মিত ভাবে অবহিত করা হবে।

প্রয়োজনে আইইডিসিআর এর হটলাইন নম্বর এ যোগাযোগ করুন :

০১৯২৭৭১১৭৮৪; ০১৯২৭৭১১৭৮৫; ০১৯৩৭০০০০১১; ০১৯৩৭১১০০১১

২০১৯-nCoV সংক্রান্ত সর্বশেষ পরিস্থিতিঃ (জানুয়ারী ৩১, ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০ থেকে অদ্যাবধি
এ পর্যন্ত বিমান বন্দরে চীন থেকে আগত স্ক্রিনিংকৃত যাত্রীর সংখ্যা	৫০৬	৪২৬০
স্ক্রিনিং এর মাধ্যমে বিমান বন্দরে সনাক্তকৃত সন্দেহজনক রোগীর সংখ্যা	০	০
আইইডিসিআর হটলাইন এ মোট কল এর সংখ্যা	৬৫	২১৭
আইইডিসিআর হটলাইন এ ২০১৯-nCoV সংক্রান্ত মোট কল এর সংখ্যা	১১	৪৮
আইইডিসিআর এ আগত ২০১৯-nCoV সংক্রান্ত মোট সেবা গ্রহীতার সংখ্যা	০২	২৩
নিশ্চিতকৃত nCoV এর মোট রোগীর সংখ্যা	০	০

অধ্যাপক ডাঃ মীরজাদী সেব্রিনা ফ্লোরা  
পরিচালক  
ফোন নম্বরঃ ০২-৯৮৪২২৭০